

QUANNE VE' BAVÓTE

Ogné vóte che tate facéva na pruméssa pe me fa šta buone e nne la mantenèa, quanne i' ce la recurdave, m'arrespunnèa sèmpa " sì, quanne vé Bavóte".

Spisse, quanne 'rraggiunàvene attuorne a la taula che la famiglia o che l'amice e ze parlave de caccherune che vulèa solde 'mpriéste, sentija ricere " e sì, quisse ce l'arrènne quanne vé Bavóte".

Pure mamma avèa pigliate 'ssu vizie d'apprumétte cumplèmente e de respettarle " quanne vé Bavóte".

Nu juorne, oramàie éva quasce grusseciélle, a la sòleta respòsta pe na pruméssa nen mantenuta facive : " Uéh ma', ma 'ssu Bavóte quanne vé?... Ma chi è quisse?".

E mamma che la paciènza tutta so' respunnètte: " aspiétte, aspiétte ca quille mó vè."

E avive voglie d'aspettarle a Bavóte!...".

Nu juorne nu buon óme c'avèa prestate le solde a nu cumpare suo', ze lamentave che nu tabaccare, che l'éva amiche , cundicènne che éva remàšte quasce sènza solde e u cumpà Tizie che ce l'avèa 'rrenne u purtave 'ncampana dicènne sèmpa ca ce le rèa dumane, ma 'štu dumane 'nze verèa maie.

Allóra u tabaccare ricètte: "Ah, tu sciè 'mprestate le solde a Tizie? E quille te l'arrènne quanne vé Bavóte » .

L'amiche remanètte suspettùse e addummannàtte : "ma tu che vulisse dice mò, ca quisse nne me l'arrènne le solde ?"

"Amiche, u cumpare tuo' nne pàje a nisciune!...Quille fa cummé Bavóte".

"Ma chi eva Bavóte, ueh 'uagliò?". Iètte u tabaccare e le spiégatte: " Ce štèa na vote nu tizie che ze chiamava Bavóte. Quisse éva sòlete 'e j' a 'ccattà la ròbba a u néòzie, ze la pigliave e ricéve "po' passe a pajà" e u povere néoziente aspettave... Ze facèa preštà le solde da l'amice e dicèa " a Pasqua te l'arrènne", ma la Pasqua passava e 'štu tizie 'nze verèa. Insómma 'štu tizie éva fatte diébbete pe tutte u paése.

Quanne ze spaliatte la vóce ca quisse nne pajave a nisciune, tutte l'avèane chiuse la cascia. E 'štu signurine sparètte da la circolazione e 'nze verètte cchiù.

D'allora è remàšte u ditte " Te paje quanne vé Bavóte", pe dice ca une 'nte paje maie e nn'ammantè le prumesse.